

亥 21

3-13416

圖經衍義本草

十六



圖經衍義本草卷之三十八

嚴五

圖經衍義本草卷之三十九

嚴六

圖經衍義本草卷之四十

嚴七

圖經衍義本草卷之四十一

嚴八

圖經衍義本草卷之四十二

嚴九

上海涵芬樓影印正統道藏本



南京中医药大学图书馆版权所有

圖經衍義本草卷之三十八

嚴五

宋通直郎辨驗藥材寇宗奭編撰

宋太醫助教辨驗藥材許洪校正

米穀部中品

豆



生大豆

味甘平塗癰腫煮汁飲殺鬼毒止痛
逐水脹除胃中熱痺傷中淋露下瘀血散五
臟結積內寒殺烏頭毒久服令人身重炒為
屑味甘主胃中熱去腫除痺消穀止腹脹生
太山平澤九月採惡五參龍膽得前胡烏喙
杏仁牡蠣良

蘇王

圖經曰大豆黃卷及生大豆生太山平澤
今處處有之黃卷是以生豆為蘖待其芽
出便曝乾取用方書名黃卷皮今蓐婦藥
中用之大豆有黑白二種黑者入藥白者

不用其緊小者爲雄豆入藥尤佳豆性本
平而修治之便有數等之效煮其汁甚涼
可以壓丹石毒及解諸藥毒作腐則寒而
動氣炒食則熱投酒主風作豉極吟黃卷
及醬皆平牛食之溫馬食之涼一體而用
別大抵宜作藥使耳殺烏頭毒尤勝仙方
修製黃末可以辟穀度饑歲然多食令人
體重久則如故矣
陳藏器云大豆炒令黑煙未斷及熱投酒
中主風痺癰瘰口噤產後諸風食罷生服



半兩去心胃煩熱熱風恍惚明目鎮心溫
補久服好顏色變白去風不忘煮食寒下
熱氣腫壓丹石煩熱汁解諸藥毒消腫大
豆炒食極熱煮食之及作豉極冷黃卷及
醬平牛食溫馬食冷一體之中用之數變

服五

二

禹錫等按蜀本注云煮食之主溫毒水腫
日華子云黑豆調中下氣通關脉制金石
藥毒治牛馬溫毒

孟詵云大豆寒和飯擣塗一切毒腫療男
女陰腫以綿裏內之主殺諸藥毒謹按煮

飲服之去一切毒氣除胃中熱痺腸中淋
露下淋血散五臟結積內寒和桑柴灰汁
煮之下水鼓腹脹

食療云微寒主中風脚弱產後諸疾若和
甘草煮湯飲之去一切熱毒氣善治風毒

脚氣煮食之主心痛筋攣膝痛脹滿殺烏

頭附子毒

抱朴內篇云相國張公文蔚莊在東都栢
坡莊內有鼠狼穴養四子為蛇所食鼠狼
雄雌情切乃於穴外坩土恰容蛇頭俟其



出穴果入所坊處出頭度其回轉不及當
腰咬斷而劈蛇腹銜出四子尚有氣置於
穴外嚼豆葉嚼而傳之皆活

千金方治頭項強不得顧視蒸大豆一升
令變色內囊中枕之○又方從高墜下頭

嚴五

三

破腦出血中風口噤豆一升熬去腥勿使
太熟杵末蒸之氣遍令甑下盆中以酒一
升淋之溫服一升覆取汗傳膏瘡上○又
方治身腫浮烏豆一升水五升煮取三升
汁去滓內酒五升更取三升分溫三服不

差再合服之○又方治口喎大豆麪三升
炒令焦酒三升淋取汁頓服日一服
肘後方治卒風不得語煮豆煎汁如飴含
之亦濃煮飲之佳○又方從早夜連時不
得眠暮以新布火炙以熨目并蒸大豆更
翻囊盛枕枕冷後更易熱終夜常枕熱豆
即立愈證如前
經驗方治小兒大人多年牙齒不生用黑
豆三十粒牛糞火內燒令煙盡細研入麝
香少許一處研勻先以針挑不生齒處令

血出用末少許揩不得見風忌酸鹹物○
又方治秋夏之交露坐夜久腹中痞如群
石在腹方大豆半升生薑八分水二升煎
取一升已來頓服差○又方治赤痢臍下
痛黑豆柒莢子二件搓摩吞嚥必宜良○
食醫心鏡治風毒攻心煩躁恍惚大豆半
升淨淘以水二升煮取七合去滓食後服
○又方治產後風虛五緩六急手足頑痺
頭旋眼眩血氣不調大豆一升炒令熱熟
投三升酒中密封飲之

廣利方治脚氣衝心煩悶亂不識人大豆
一升水三升濃煮取汁頓服半升如未定
可更服

傷寒類要辟溫病以新布盛大豆二斗內
井中一宿出服七粒佳

卷五

四

子母秘錄主產後中風困篤或背強口噤
或但煩熱苦渴或身頭皆重或身痒極嘔
逆直視此皆虛熱中風大豆三升熬令極
熟候無聲器盛以酒五升沃之熱投可得
二升盡服之溫覆令少汗出身潤即愈產



後得依常稍服之以防風氣又消結血○
又方治小兒斑瘡豌豆瘡熟煮大豆取汁
服之佳○又方治小兒湯火瘡火煮大豆
汁塗上易差無斑

揚氏產乳療有孕月數未足子死腹中毋
欲悶絕取大豆三升醋煮濃汁三升頓服
立差

產書產後猶有餘血水氣者宜服豆淋酒
黑豆五升熬之令煙絕出於甕器中以酒
一斗焯之

衍義曰生大豆有綠褐黑三種亦有大小
兩等其大者出江浙湖南北黑小者生他
處今用小者力更佳炒熟以棗肉同搗之
爲麤代糧又治產後百病血熱并中風疾
痺止痛背強口噤但煩熱瘕瘕若渴身背

服五

五

腫劇嘔逆大豆五升急水淘淨無灰酒一
斗熬豆令微溫出傾入酒餅中沃之經一
日以上服酒一升取差爲度如素不飲酒
即量多少服若口噤即加獨活半斤微微
槌破同沃仍增酒一斗二升逐月旋作恐

酸壤又可礮為豆腐食之

赤小豆



赤小豆

味甘酸平無毒主下水排癰腫膿血

寒熱熱中消渴止洩利小便便吐逆卒澀下脹

滿

圖經曰赤小豆舊與大豆同條蘇恭分之
今江淮間尤多種時主水氣脚氣方最急
用其法用此豆五合葫一頭生薑一分並
碎破商陸根一條切同水煮豆爛湯成適
寒溫去葫薑細嚼豆空腹食之旋旋啜汁
令盡腫立消便止韋宙獨行方療水腫從
脚起入腹則殺人亦用赤小豆一斗煮令
極爛取汁四五升溫漬膝以下若已入腹
但服小豆勿雜食亦愈
藥性論云赤小豆使味甘能消熱毒癰腫



散惡血不盡煩滿治水腫皮肌脹滿搏薄
塗癰腫上主小兒急黃爛瘡取汁冷洗之
不過三度差能令人美食末與雞子白調
塗熱毒癰腫差

陶隱居云大小豆共條猶如葱薤義也以

張五

大

大豆爲藥芽生便乾之名爲黃卷用之亦
熬服食所須煮大豆主溫毒水腫殊效復
有白大豆不入藥小豆性逐津液久服令
人枯燥矣

陳藏器云赤小豆和桑根白皮煮食之主